

ԿԱՌԼ ՖԵՐՏԻՆԱՆՏ ԼԵՀՄԱՆ-ՀԱՌՈՒՊՈՒԻ
ԳՈՐԾՈՒՆԷՈՒԹԵԱՆ ԱՐՏԱՑՈՒԱՆՔԸ
«ԲԱԶՄԱՎԷՊՈՒՄ»

ԺԹ. դարի առաջին կեսին հայ մտաւորականութիւնը քաջատեղեակ էր Հայոց պատմութեանը, գրականութեանը, մատենագրութեանը: Անյայտ էր, սակայն, հնագոյն Հայաստանի գրչութիւնը, պատմութիւնն ու մշակոյթը, բացի այն, ինչ պատմում է Մովսէս Խորենացին: Եւ, ահա, երբ եւրոպական լեզուներով թարգմանուեց պատմահօր Հայոց պատմութիւնը (առաջին թարգմանութիւնը լատիներէնով 1723ին) եւ, այնուհետեւ, երբ Նաբոլէոն Պոնաբարդի զինուորները գտան «Ռոզեթեան քարը», նկարագրուեցին Բեհիթլուեան ժայռի սեպագիր արձանագրութիւնները, յանկարծ նորովի իմաստաւորուեցին Մովսէս Խորենացու նկարագրած Վանտոսպ գաւառակի ուրարտական հնութիւններն ու սեպագիր արձանագրութիւնները, աւելին՝ դրանք դարձան նման գրութիւնների հնագոյն նկարագրութիւններից մէկը, եթէ ոչ առաջինը: Պատմահայրը ոչ միայն յստակ նկարագրում է դրանք, այլեւ ճշգրիտ թուագրում է Ք.ա. Թ. դարի վերջ Ը. դար, այն է՝ Ասորեստանի Շամիրամ (Շամուրամթ) թագուհու գործունէութեան ժամանակաշրջանով¹:

Ուշագրաւ է, որ Մովսէս Խորենացին իր տաղանդի ուժով կարողացել է անսխալ ի մի բերել այն յուշարձանները, որոնք այժմ անուանում են ուրարտական՝ դրանք կապելով Շամիրամի անուան հետ²:

1 ՄՈՎՍԻՍԻ ԽՈՐԵՆԱՑԻՈՅ, Պատմութիւն Հայոց (Բնական բնագիրը Մ. Արեղեանի ու Ս. Յարութիւնեանի, աշխարհարար թարգմ. եւ մեկն. Ստ. Մալխասեանի), Երևան 1981, գիրք առաջին, ԺԶ.:

2 ՀՄԱՅԵՍԿԵԱՆ, Ս. Գ., Ուրարտական յուշարձանները հայկական աւանդութիւններում, «Հայկական էպոսը եւ համաշխարհային էպիկական ժառանգութիւնը», Երևան 2012, 251-260:

Եւ ահա, պատմաճօր նկարագրած այս հնութիւններն ուսումնասիրելու համար «Ֆրանսիայի ասիական ընկերութիւնը», Անտուան-ժան Սեն-Մարտենի նախաձեռնութեամբ, 1827ին վան է գործողը ում հասանցի քսանութամեայ պրոֆեսոր Ֆրիդրիխ Էդուարդ Շուլցին՝ Յր. Էդ. Շուլցը այստեղ ընդօրինակեց 42 սեպագիր արձանագրութիւններ, նկարագրեց վանտոսպ գաւառակի հնութիւնները, աւելին՝ գրառեց այդ յուշարձանների հետ աւընջող աւանդութիւնները: Հայագիտութեան այս երախտաւորը սպանուեց Ջուլամերիկի լեռներում, Ադամակերտի մօտ, 1829ին, մի քուրդ ցեղապետի կողմից: Իր աշխատանքը, սակայն, հրապարակուեց 1840ին Մոլի աշխատասիրութեամբ. «Fr. Ed Schultz, Memoires sur le lac de Van et ses environs» խորագիրը կրող հատորով, «Journal Asiatique» հանդէսում: Սա, թերեւս, սեպագիր արձանագրութիւնների առաջին համահաւաքն էր աշխարհում, քանի որ դեռեւս ոչ իտալացի Փոլ-Էմիլ Պոտան, ոչ էլ Լայարտը չէին սկսել իրենց պեղումները Բուլունջիքում (Նինոէ) եւ Խորսաբադում (Ասորեստանի արքայ Սարգոն Բ-ի կառուցած Դուր Շարուկին բերդաքաղաքը) եւ հին Արեւելքը դեռ պէտք է ուսումնասիրուէր հնագիտորէն³:

«Բազմավէպ»ը իր հիմնադրման առաջին իսկ համարներում հաղորդումներ տեղագրեց, որոնք նկարագրում էին Յր. Էդ. Շուլցի, Փոլ-Էմիլ Պոտայի ու Լայարտի կատարած աշխատանքները, Ժան-Ֆրանսուա Շամբոլիոնի գիտը եւ երբեք էլ չդադարեցրեց, ինչպէս հին Մերձաւոր Արեւելքի, այնպէս էլ աշխարհի նշանաւոր հնավայրերի ուսումնասիրութեանը վերաբերող հաղորդումների հրապարակումը⁴:

3 Հմմտ. ЛЕМАН-ХАУПТ, К. Ф., *Вступительная лекция по истории и культуре халдов*, «Труды Тбилисского гос. университета», № 6, 245-246:

4 Ինչպէս օրինակ. «Նիմուէի աւերակները», «Բազմավէպ», 1844, թիւ 8, 126-127, «Բուենոսձոս Լյանագիր», «Բազմավէպ», 1845, թիւ 3, 42, «Նոր գըտնուած հնութիւն մը», «Բազմավէպ», 1851, թիւ 9, 138-139, «Բարեկացուց պետութեան կառավարութիւնը, սովորութիւնն ու կրօնը», «Բազմավէպ», 1862, 302-309, «Ասորեստանաց վանտակաւորութիւնն ու արուեստը», «Բազմավէպ», 1862, թիւ 11, 339-344, «Պեղումն ի Պոմպէա», «Բազմավէպ», 1863, թիւ 5, 167-168, «Բուենոսձոսակ կամ սեպագիր արձանն յԱյրաբատեան աշխարհի», «Բազմավէպ», 1865, թիւ 7, 232-233, «Պիրս Նեմրուք, Նիմուէի եօթմ մարդակաց տաճարը», «Բազմավէպ», 1870, թիւ 6, 166-167, «Էդուարդակա զամբարաններ», «Բազմավէպ», 1871, թիւ 4, 120-122, «Պեղումն Պ. Շիմամի ի Տրայա», «Բազմավէպ» 1874, հատ. 1Բ, 347-351, «Բուեն-

Շուրջից յետոյ Հայաստանի հինարեւելեան յուշարձանները սկսեցին ուսումնասիրել երկու գերմանացի գիտնական ընկերներ՝ Վոլտեմար Պելթը եւ Կառլ Ֆերտինանտ Լեհման-Հաուպթը: Վոլտեմար Պելթը քիմիկոս էր եւ աշխատում էր Գետաբեկի պղնձահանքերում՝ Սիմսոնների կազմակերպութիւնում: Այստեղ էլ նա, 1890ին, սկսեց իր հնագիտական պրպտումները: 1891ին, ճանապարհորդեց Գանձակի, Երեւանի, Վանի ու Էրզրումի նահանգներով, գտաւ եօթ նոր սեպագրեր. չորսը՝ Արտամէտում, մէկը՝ Քեչիչ գետի մօտ, մէկը՝ Իշխանագոմում եւ եւս մէկը՝ Վանում⁵:

Լեհման-Հաուպթը (նկար 1) ծնունդ էր 1861ին, Համբուրգ քաղաքում, իրաւագիտութեան եւ հնադարեան մշակոյթների պատմութեան ուսուցչապետ էր: Հայաստանում աշխատում էր Գերմանիայի Վիլհելմ կայսեր գիտութիւնների ախաբեմիայի եւ այլ հաստատութիւնների տրամադրած միջոցներով⁶:

1898 եւ 1899 թուականներին, նրանք ճանապարհորդեցին Հայաստանով՝ նպատակ ունենալով ուսումնասիրել երկիրը, գտնել նոր արձանագրութիւններ, ճշգրտել հին ընդօրինակութիւնները: Յայտնաբերեցին 60 նոր սեպագիր՝ Հայաստանում դրանց թիւը հասցնելով 140ի⁷:

Հայաստանի հնութիւններին նուիրուած նրանց գերմաներէն յօդուածներն անմիջապէս թարգմանուում ու հրատարակուում էին հայկական մամուլում՝ հիմնականում «Հանդէս ամսօրեայում»⁸: Սակայն ընկերները գժտուեցին եւ հայկական մամուլը լի էր յուզմունքով, քանի որ ենթադրուում էր, թէ գիտնականները

ոսձու արձանագրութիւնք Հայաստանի» (Քաղուած ի Լըննարմանէ), «Բագմավէպ», 1875 եւ 1876, հատ. ԼԴ, 132-140, 199-205, 328-332, «Արքունի գըրատուն Ատրնեստանեաց», 1877, հատ. ԼԵ, 268-271, «Աւերակ Նիւուէի», 211-276, «Պողոււմք յիթակէ կղզի», «Բագմավէպ», 1879, հատ. ԼԷ, 156, էնկիւման, «Պղնձէ գլուխ մը ի Հայաստան գտնուած», «Բագմավէպ», 1883, հատ. ԽԱ, 130-141 եւ շատ ուրիշ:

5 ԼէՕ, Հայոց պատմութիւն (հին պատմութիւն), Թիֆլիս 1917, վերահրատարակուած է 1966-ին՝ ԼէՕ, «Երկերի ժողովածու», հտր. Ա., Երեւան 1966, 14-15:

6 ԼէՕ, Հայոց պատմութիւն (հին պատմութիւն), Երեւան 1966, 16:

7 Անդ:

8 Տե՛ս օրինակ, ԲՆԼՔ, Վ., Մաննացոց տէրութիւնը, «Ազգագրական հանդէս», 1895, գիրք Ա., 27-36 (թարգմանութիւնը Լեւոն Բարսեղեանի): Տեղեկագիր քննական ուղեւորութեան Բելիի եւ Կ. Ֆ. Լէմանի, «Հանդէս Ամսօրեայ», 1899, թիւ 9, 281-284:

կը դադարեցնեն իրենց ուսումնասիրութիւնները⁹, որոնք լոյսի մի շիթ էին սփռում Հայաստանի հին պատմութեան էջերի վրայ:



Նկար 1. Կ. Ֆ. Լեհման-Հաուպը

Այս աշխատանքներն ամփոփող գրքի հրատարակումը հայերէնով նախաձեռնեց «Բազմավէպ»ը այն ժամանակ, երբ 1907ին լոյս տեսաւ Լեհման-Հաուպի «Materialen zur Älteren Geschichte Armeniens und Mesopotamiens, Mit einem Beitrage Arabische Inschriften aus Armenien und Diyarbeker von Max van Berchem», Berlin «Weidmannsche Buchhandlung», խորագիրը կրող գիրքը:

Գիրքը հրատարակուեց «Բազմավէպ»ի 1908-1909 համարներում¹⁰ Յարութիւն Աստուրեանի թարգմանութեամբ որոշ կրճատումներով, առանց պատկերների. «Պրոֆ. Լեւանի «նիւթեր Հայաստանի հնագոյն պատմութեան» (յաւելում զոկտ. Մախ ֆան Բերշեմի, «Արարական արձանագիրք Հայաստանէն եւ Տիարպեֆիթէն») խորագրով¹¹:

9 «Բազմավէպ», 1908, թիւ 3, 109:

10 «Բազմավէպ», 1908, թիւ 3, 109-114, թիւ 5, 197-199, թիւ 7, 299-302, թիւ 12, 550-554, «Բազմավէպ», 1909, թիւ 1, 8-11, թիւ 2, 67-73, թիւ 3, 102-104:

11 «Բազմավէպ», 1908, թիւ 3, 109:

Այս աշխատանքում Կ. Ֆ. Լեհման-Հաուպթը հրապարակում է Հայաստանում իր կատարած գիտերը՝ արձանագրութիւնները, նկարագրում է Թօփլաք կալէի («Կաւաքերդ», Ամրական քարանձաւ, որ ըստ հայոց սկզբնաղբիւրներ¹² ուրարտական Ռուսախինիլի կոչուած ամրոցն է) պեղումները, վերնագիր առ վերնագիր վերլուծում է քարարձանները, որոնցից մէկը այժմ պահուած է Վրաստանի Պատմութեան թանգարանում¹³ ջրանցքաշինութիւնը, ճարտարապետութիւնը, կաւագործութիւնը, մետաղագործութիւնը, մանրաքանդակը¹⁴ եւ այլն:

Մանրամասն անդրադառնում է արծաթի սեւադման տեխնիկային՝ այն հետազօտելով Վանի արծաթագործների մօտ: Նա ենթադրում էր, որ Վան քաղաքում տարածուած այդ արուեստը ժառանգուել է Վանի թագաւորութիւնից (Ռուսախինիլիում իր գտած անօթներէց մէկի մէջ ծծմբարծաթ յայտնաբերուեց, որով եւ սեւադում են արծաթը) եւ, այնուհետեւ, Վանից անցել է Տուլայ, Տուլայից էլ՝ Եւրոպա¹⁵: Անդրադառնալով պատկերագրութեանը՝ ուրարտուհիների կերպարը եւ հազուատը համեմատում է Հարաւային Կովկասի բնակչուհիների՝ մասնաւորապէս վրացուհիների հետ¹⁶: Չնայած այս հանգամանքին, Լեհման Հաուպթը ուրարտացիներին, որոնց անուանում էր խալդեր, Հայաստան է բերում Փոքր Ասիայից՝ միաժամանակ ուրարտական գուգահեռներ գտնելով միկենեան մշակոյթում¹⁷: Ուշագրաւ է, որ «Բագմավէլ»ի խմբագիրները Լեհման-Հաուպթի հրապարակուող «Նիւթերի» գուգահեռ եւ հարեւանութեամբ դնում էին Նագարէթ Տաղաւարեանի հին Հայաստանին՝ մասնաւորապէս Վանի թագաւորութեանը նուիրուած ընդարձակ յօդուածը, որ լրացնում է «Նիւթերից» եկող տեղեկատուութիւնը եւ մի ամբողջական պատկերացում է տալիս Վանի թագաւորութեան մշակոյթի, եւ այդ մշակոյթի յետագայ զարգացման մասին:

«Բագմավէլ»ի այս նախաձեռնութիւնն անչափ կարեւոր եղաւ Հայաստանում Ուրարտուի հնագիտութեան եւ մշակոյթի ու-

12 ՅԱԿՈՒԲԵԱՆ, Թ., ՄԵԼԻՔԻ-ԲԱՆՍԵՆ, ՍՏ., ԲԱՐՍԵՂԵԱՆ Է., Հայաստանի եւ յարակից շրջանների տեղանունների բառարան, հտր. 1, Երևան 1986, 220-221:

13 ПИОТРОВСКИЙ Б.Б., Ванское царство, Москва, 1959, стр. 187.

14 «Բագմավէլ», 1909, քիւ 1, 8-11, «Բագմավէլ», 1909, քիւ 2, 67-73:

15 «Բագմավէլ», 1909, քիւ 1, 11:

16 «Բագմավէլ», 1909, քիւ 1, 8-11:

17 «Բագմավէլ», 1909, քիւ 3, 102-104:

սովմնասիրութեան առումներով: Մասնաւորապէս, այս նիւթերը լայնօրէն օգտագործեց Լէոն, երբ նա գրում էր իր «Վանի թագաւորութիւնը» գիրքը, 1915ին եւ յետոյ, երբ շարադրում էր իր «Հայոց պատմութեան» առաջին հատորը, որոնք լի են ընդարձակ մէջբերումներով եւ յղումներով «Բագմավէպ»ի առ այն համարներն ու էջերը, որտեղ թարգմանուած էին «Նիւթերը»¹⁸: Լէոյի այս երկու մենագրութիւնները, որոնք նախորդում էին Գ. Ա. Ղափանցեանի «Ուրարտուի պատմութեանը»¹⁹, գումարուելով Հ. Սանդալջեանի աշխատութիւններին²⁰, եղան այն հիմքը, որի վրայ բարձրացաւ հայալեզու ուրարտագիտութիւնը:

ՍԻՄՈՆ ՀՄԱՅՆԱԿԵԱՆ

18 ԼէՕ, Վանի թագաւորութիւնը, Թիֆլիս 1915, 113, 131, 318, 323, 328, 333, 337:

19 ՂԱՓԱՆՑԵԱՆ, Գ., Ուրարտուի Պատմութիւն, Երեւան 1940:

20 ՍԱՆՏԱԼՃԵԱՆ ՅՈՎՍԷՓ ՎՐԴ., Ասորեստանեայ եւ պարսիկ սեպագիր արձանագրութիւնք, Վիեննա 1901: ՍԱՆՏԱԼՃԵԱՆ ՅՈՎՍԷՓ ՎՐԴ., Նորագիտ ուրարտական սեպագիր արձանագրութիւնք, «Հանդէս ամսօրեայ», 1913, 407 եւ այլն:

Summary

REFLECTION OF CARL FRIEDRICH LEHMANN-HAUPT'S ACTIVITY IN "BAZMAVEP"

SIMON HMAYAKYAN

In 1827 the French "Asiatic Society" send Prof. Fr. Ed. Schulz on a mission trip to Van for the study of cuneiform inscriptions and Ancient Eastern sites in Vantosp region, described by Movses Khorenatsi. There he copied 42 cuneiform inscriptions, described antiquities of Van and paraphrased the stories referring to them. After the scholar's early death, his work was continued by other researchers, including C. F. Lehmann-Haupt, who worked with remarkable devotion. The Armenian intellectuals eagerly anticipated publication of Lehmann-Haupt's and his colleague's, Voldemar Belk's works. Those were translated and published in the Armenian journals. In particular, the first fundamental work of C.F. Lehmann-Haupt called "Materialen zur älteren Geschichte Armeniens und Mesopotamiens, Mit einem Beitrage Arabische Inschriften aus Armenien und Diyarbekr von Max van Berchem", Berlin "Weidmannsche Buchandlung", 1907 was published in the issues of journal "Bazmavep" (1908-1909).

The abovementioned initiative contributed to formation and further development of the Urartology in Armenia.